

鑄補雷公炮製藥性解

編補雷公炮製藥性解卷之二

○草部上

人參味甘性微溫無毒入肺經補氣活血止渴生津
肺寒可服肺熱傷肺去蘆用茯苓爲使惡肉鹹反藜

蘆

按參之用臟腑均補何功之宏也蓋人生以氣爲
樞而肺主氣經所謂相傳之官治節出焉參能補
氣故宜於肺經之虛則治節成宜氣行而血因
以活矣至如血虛則散亦血行風自滅之意也至
於津液蒸於膀胱實上連於肺故有生津液之功

肺寒者。氣虛血滯。故曰可服。肺熱者。火炎氣逆。血脈激行。參主上升。且能濟血。故肺受傷也。性本疏通。人多泥其作飽。不知少服則壅。多則反宣通矣。

雷公云

月使要肥大塊如雞腿。并似人形者。採得陰乾。去四邊蘆頭。并黑者。封入藥中。夏中

少使發心
疰之患也

黃耆味甘。性微溫。無毒。入肺脾二經。內托已潰瘡瘍。生肌收口。外固表虛盜汗。膝理充盈。惡龜甲白藓皮。

按黃耆之用。專能補表。肺主皮毛。脾主肌肉。故均入之。已潰瘡瘍及盜汗。皆表虛也。故咸用之。裏虛者忌服。恐升氣於表。愈致其虛。表邪者忌服。恐益

其邪也。惟表虛邪。不發汗者。可酌用之。生之。能瀉火。

雷公云

凡使勿用水煮。草真相似。只是生時。葉短。

用手擘。令糝於槌。上剉用。

○熊氏曰。黃芪動三焦之火。

甘草味甘。性平。無毒。入心脾二經。生則分身稍而瀉火。炙則健脾胃而和中。解百毒。和諸藥。甘能緩急。尊稱國老。白芷乾漆苦參爲使。惡遠志。反甘遂海藻大戟芫花。忌豬肉菘菜。

按味甘入脾。爲九土之精。安和七十二種金石。一千二百種草木。有調攝之功。故名國老。然性緩不

可多用。一恐甘能作脹。一恐藥餌無功。惟虛人多熱。及諸瘡毒者。宜倍用。中滿及初痢者。忌之。所謂脾病人毋多食甘也。

雷公云

凡使須去頭尾尖處。其頭尾吐人。每斤皆長三寸。剉碎。破作六七片。使藥器中盛用。

酒浸蒸。從巳至午出。曝乾。細剉。使一斤用酢七兩塗上。炙斷盡爲度。先炮令內外赤黃。用良。

當歸味甘辛。性溫。無毒。入心肝脾三經。頭止血而上行。身養血而中守。稍破血而下流。全活血而不走。氣血昏亂。服之而定。各歸所當歸。故名。酒浸用。惡藜蘆。如畏菖蒲海藻牡蒙。

按歸血藥也。心主血。肝藏血。脾裹血。故均入焉。用

分爲四亦親上親下之道也。雷公云：一齊用，不如不使服亦無效。未可盡信。性泥滯。風邪初旺。及氣鬱者宜少用之。

雷公云

凡使先去塵并頭尖硬處一分已來酒浸一宿若要破血即使尾若要止痛止血即

川頭硬實處若養血即用中身若全用不如不使服食無効單使妙也。

川芎味辛甘。性溫。無毒。入肝經。上行頭角。引清陽之氣而止痛。下行血海。養新生之血。以調經。久服令人暴亡。白芷爲使。畏黃連。小者名撫芎。主開鬱。

按芎入肝經。能補血矣。何云暴亡。以其氣升陽。其味辛散。善提清氣於上部有功。然宜中病卽已。若

久用。則氣逆且耗。故有此患。凡氣升痰喘火劇中滿等症。不宜用之。

山藥味甘。性溫。無毒。入脾肺腎三經。補陰虛。消腫硬。健脾氣。長肌肉。強筋骨。療乾咳。止遺泄。定驚悸。除瀉痢。乳製用。紫之爲使。喜門冬。惡甘遂。

按丹溪曰。山藥屬土。而有金與水。宜入脾肺腎而補虛。經曰。虛之所在。邪必乘之。腫硬之謂也。得補則邪自去。脾自健。於是土盛生金。金盛生水。功效相仍矣。然單食多食。亦能滯氣。

白朮味苦甘。性溫。無毒。入脾經。除濕利水道。進食強

脾胃。佐黃芩以安胎。君枳實而消痞。止泄瀉。定嘔吐。有汗則止。無汗則發。土炒用。防風地榆爲使。忌桃李雀肉青魚菘菜。

按白朮甘而除濕。所以爲脾家要藥。胎動痞滿吐瀉。皆脾弱也。用以助脾。諸疾自去。有汗因脾虛故能止之。無汗因土不能生金。金受火剋。皮毛焦熱。既得其補脾。又藉其甘溫。而汗可發矣。傷寒門有動氣者。不宜用之。

蒼朮味甘辛。性溫無毒。入脾胃二經。主平胃健脾。寬中散結。發汗祛濕。壓山嵐氣。散溫瘧。泔浸一宿。換泔

藥性解
卷二
浸炒用。使忌同白朮。

按蒼朮。辛甘祛濕。脾胃最喜。故宜入之。大約與白朮同功。乃藥性謂其寬中發汗。功過於白固矣。又謂其補中除濕。力不及白。於理未然。夫除濕之道。莫過於發汗。安有汗大發而濕未除者耶。濕去而脾受其益矣。若以爲發汗。故不能補中。則古何以稱之爲山精。煉服可長生也。亦以其結陰陽之精氣耳。俗醫泥其燥而不常用。不知脾爲臟主。所喜惟燥。未有脾氣健而諸臟猶受其損者。獨火炎上燥。脾虛作悶者。忌之。恐益其火也。

白芍藥味酸苦性微寒有小毒。入肝經。主怒氣傷肝。胃腹中積聚。腰臍間瘀血。腹痛下痢。目疾崩漏。調經安胎。赤者專主破血利小便。除熱明眼目。雷丸烏藥沒藥爲使。惡石斛芒硝。畏硝石鼈甲小蘗。反藜蘆。

按白芍酸走肝。故能瀉木中之火。因怒受傷之症。得之皆愈。積聚腹痛。雖脾之病。然往往亢而承制。土極似木之象也。經曰。治病必求於本。今治之以肝。正其本也。目疾與婦人諸症。皆血之病。得之以伐肝邪。則血自生而病自已。故四物湯用之。亦以婦人多氣也。今竟稱其補血之效。而忘其用可耶。

新產後宜酌用之。惡露未代。生生之氣也。血虛者
煨用。痛痢者炒用。

雷公云

凡採得後。於日中曬乾。以竹刀刮上粗皮。
并頭土了。剉之。將蜜水并蒸。從巳至未。曬

乾用之。

生地黃味甘苦。性寒。無毒。入心肝脾肺四經。涼心火
之煩熱。瀉脾土之濕熱。止肺金之鈔熱。除肝木之血
熱。忌見鐵器。當歸為使。得麥門冬酒良。惡貝母。畏蕪
荑菜。菝及子。

按生地黃。總是涼血之劑。故入四經。以清諸熱。老
人津枯便秘。婦人崩漏。及產後血攻心者。尤為要

藥實別藥不用二三分。使脾家永不受邪。則虛者思之。

熟地黃味甘苦。性溫。無毒。入心肝腎三經。活血氣。封填骨髓。滋腎水。補益真陰。傷寒後。脛股最痛。新產後。臍腹難禁。利耳目。烏鬚髮。治五勞七傷。能安魂定魄。使忌畏惡。俱同生地。性尤泥滯。薑酒浸用。

按熟地黃為補血上劑。而心與肝藏血主血者也。故能入焉。其色黑。其性沉陰重濁。經曰。濁中濁者。堅強骨髓。腎主骨。故入之。精血既足。則脛股臍腹之症自愈。耳目鬚髮必受其益。而勞傷驚悸並可。

痊矣。

雷公云

採得生地黃去白皮。薹鍋上柳木。籠蒸之。攤令氣歇。拌酒再蒸。又出令乾。勿令犯銅

鐵。令人腎消并口髮。男損榮。女損衛也。

知母味苦性寒無毒。入腎經。瀉無根之腎火。療有汗之骨蒸。止虛勞之陽勝。滋化源之陰生。勿犯鐵器。犯之損腎。烙去毛。鹽酒炒用。

按知母入腎。爲生水之劑。水盛則火熄。所謂壯水之主。以制陽光也。口渴乾嗽。眼花目眩。便赤腰痛。禱勞煩躁不眠。此皆陽盛陰衰之症。服之皆愈。若肺家寒嗽。及腎氣虛脫無火者。禁用。

雷公云

凡使先於槐枯上細剉，燒乾，水浸，行棧上頭，酒炒。

貝母味辛苦，性微寒，無毒，入心肺二經，清心潤肺，嗽消痰，主胃腹氣逆，傷寒煩熱，淋瀝，瘰癧，喉痺，金瘡，人面瘡，癩癧，諸惡瘡。去心研用，厚朴白薇為使，惡桃花，畏秦艽，礬石，莽草，反烏頭。

按貝母辛走肺，苦走心，善能散鬱瀉火，故治胃腹云等疾。

雷公云

凡使先於柳木火中炮，令黃，擘破，去內口，鼻上有米許大者，心一小顆，後拌糯米於

鐵上同炒，待米黃熟，然後去米，取出，其中有獨顆，團不作兩片，無紋者，號曰丹龍精，不入藥用，若誤服，令人筋血脈永不收，用黃精小鹽汁合服，立愈。

黃芩味苦平。性寒。無毒。入肺大腸膀胱膽四經。主崩淋熱疸。痛痢。惡瘡。解毒。收口。去翳明目。調經安胎。中枯而飄者瀉肺火。消痰利氣。除風濕。留熱於肌表。細實而堅者瀉大腸火。養陰退陽。滋化源。除熱於膀胱。山茱萸龍骨爲使。惡蔥實畏丹砂牡丹藜蘆砂參丹參。

按芩枯飄者有上升之象。故入肺堅實者有下行之理。故入大腸諸經。性甚寒。苟無實火不宜用之。**黃連**味苦。性寒。無毒。入心經。主心火炎。日疾暴發。疹癩紅腫。腸紅。下痢。痞滿。泄瀉。小兒疳熱。口中瘡。

性寒味甘。天行熱疾。黃芩、龍骨、連翹、黃芩、芍藥、白朮、一。畏款冬花、解已豆、烏頭、苦苣、
猪肉、冷水。

按黃連味苦瀉心。治心火諸病。不可缺。瀉痢雖屬
脾經。正由火不能生土。况心與小腸相爲表裏。心
火瀉則小便亦利。而腸胃自厚矣。因寒得瀉者忌
之。又久病氣虛。心火不盛者。用之則心氣愈虛。虛
火反熾。

雷公云

凡使以布拭去髭毛。然後用漿水浸二伏

十兩。不得食猪肉。若服至
三年。不得食猪肉。一生也。

大黃味苦。性大寒。無毒。入脾胃大腸心肝五經。性沉而不浮。用走而不守。奪土鬱而無壅滯。定禍亂而致太平。名曰將軍。又主癰腫及目疾癩疾暴發。血關火閉推陳致新。黃芩爲使。無所畏。錦紋者佳。

按大黃之入脾胃大腸。人所解也。其入心與肝也。人多不究。昔仲景百勞丸。廣黃丸。都用大黃以理勞傷吐衄。意最深微。蓋以濁陰不降。則清陽不升者。天地之道也。瘀血不去。則新血不生者。人身之道也。蒸熱日久。閤血停於經絡。必得大黃以豁之。則肝脾通暢。陳推而新致矣。今之治勞多用滋陰。

服不效。坐而待斃。嗟乎。術豈止此耶。至薄腫目。疾及痢疾。咸熱闕所致。故竝治之。傷寒脈弱。及寒未解者。禁用。

雷公云

凡使細切。內紋如木旋處。緊重剉。蒸從已。至木斷乾。又漉臘水蒸。從未至亥。如此蒸。

七度晒乾。却漉薄蜜水再蒸。一伏時。其大黃臂如烏膏樣。於日曬乾用之。爲妙。

桔梗味辛。性微溫。有小毒。入肺經。主肺熱氣奔。痰嗽鼻塞。清喉利膈。能載諸藥入肺。節皮爲使。畏白芨。龍眼。龍膽草。

按桔梗味辛。故專療肺疾。下部藥中勿用。恐其上載而不能下達也。

雷公云：凡使勿用木梗，真似椶櫚，較之只是膠油，不堪用。凡使去頭尖硬二三分已來，并兩畔附枝子，於槐砧上細剉，用百合水浸一伏時，漉出，緩火熬令乾，用每條事四兩，用生百合五分，搗作膏投水中浸。

天花粉味苦性寒無毒入肺心脾胃小腸五經主肺火盛而喉痺，脾胃火盛而口齒腫痛，清心利小便，消痰除咳嗽，排膿消腫，生肌長肉，止渴退煩熱，補虛通月經，枸杞爲使，惡乾薑，畏牛膝，乾漆，反烏頭。

按天花粉色白入肺，味苦入心，脾胃者心之子，肺之母也。小腸與心相爲表裏，故均入焉。本功清熱，故主療熱多。其理易達，惟曰補虛通經，此甚不可。

溫而大者寒之劑。豈能大補。以其能清火。則陰
其者。非真補也。月水不通。亦以熱閉。熱退則血虛
經通。非真能通也。此治本窮源之說耳。倘因寒致
疾者。可悞使哉。子名瓜蒌。主胃痺。仁主潤肺下氣。
止痰嗽。療乳癰。乳閉。並宜炒用。

半夏。味甘平。性生寒。熟溫。有毒。入肺脾胃三經。下氣
止嘔吐。開鬱散表邪。除濕化痰涎。大和脾胃。須湯淋
十遍。薑蒜甘草製用。射干柴胡爲使。惡皂莢。畏雄黃。
生薑乾薑秦皮龜甲。反烏頭。忌羊肉羊血飴糖海藻。
按半夏味辛入肺。性燥入脾胃。中其毒者。口噤發

吐煩渴及血症勿用。惟氣症發渴者不禁。

雷公云

凡使勿誤用白傍薺子。真似半夏。只是咬著酸不入藥用。若脩事半夏四兩用搗

了白芥子木二兩。頭醋六兩。二味攪令勻。將半夏投中洗三遍用之。半夏上有陳涎。若洗不淨。令人

氣逆肝氣怒滿。

紫蘇味甘辛。性溫。無毒。入肺脾二經。葉能發汗散表。溫胃和中。除頭痛肢節痛。雙面紫者佳。不敢用麻黃者。以此代之。梗能順氣安胎。子能開鬱下氣。定喘消痰。

按辛走肺。甘走脾。辛散之劑。下氣最捷。氣虛者少用之。

白芷味辛性溫無毒入肺脾胃三經去頭面皮膚之風除肌肉燥癢疥之痺止陽明頭痛之邪爲肺部引經之劑主排膿托瘡生肌長肉通經利竅止漏除崩明目散風驅寒燥濕當歸爲使惡旋覆花

按白芷味辛爲肺所喜而溫燥爲脾胃所喜宜其入矣然香燥而發散主治雖多能傷氣血不宜多用久用

雷公云

凡採得後勿用四條作處生者此名張公藤兼勿用馬蘭並不入藥中採得後刮削

上皮細剉用黃精亦細剉以竹刀切二分兩度蒸一伏時後出於日曬乾去黃精用之

防風味辛性溫無毒入肺經瀉肺金療諸風開結

氣理目痛惡乾薑藜蘆白藜芫花解附子毒。

按防風辛走肺爲升陽之劑。故通療諸風。氣之結者。肺之疾也。目之痛者。風之患也。宜竝主之。東垣云。卑賤之卒。聽令而行。隨所引而至。乃風藥中潤劑也。能瀉上焦元氣。虛者不得槩用。今人類犯此弊。

獨活味甘辛。性微溫。無毒。入肺腎二經。主新舊諸風濕痺。頸項難伸。腰背痠疼。四肢攣痠。黃色而作塊者爲獨活。

按獨活氣濁屬陰。善行血分。欬而能舒。尤能散

緩而善搜可助表虛故入太陰肺少陰腎以理其風。

羌活味苦甘平。性微溫。無毒。入小腸膀胱二經。散八表風邪。利周身節痛。排巨陽腐肉之疽。除新舊風濕之症。紫色而節密者爲羌活。

按羌活氣清屬陽。善行氣分。舒而不斂。升而能沉。燥而善散。可發表邪。故入手太陽小腸足太陽膀胱以理遊風。其功用與獨活雖若不同。實互相表裏用者審之。

雷公云

採得後細剉拌淫羊藿蒸二日。後曝乾去淫羊藿用羌活入心。

柴胡味苦性微寒無毒入肝膽心胞絡三焦胃大腸
六經主傷寒心中煩熱痰實腸胃中結氣積聚寒熱
邪氣兩脇下痛疏通肝木推陳致新半夏爲使惡皂
莢畏女菀藜蘆犯火無功

按柴胡氣味升陽能提下元清氣上行以瀉三焦
火補中益氣湯用之亦以其能提肝氣之陷者由
左而升也凡胃腹腸胃之病因熱所致者得柴胡
引清去濁而病謝矣故入肝膽等經衍義曰本經
並無一字言及治勞今治勞多屬之誤人不小勞
有一種真臟虛損復受邪熱邪熱虛而致勞者宜

凡後世得此藥言凡遇急症服之
便觀場隨眾喧嘩矣惟勞丸不允實蓋去
能殺人誠所當慎咳嗽氣急痰喘嘔逆者
其上升也傷寒初起忌之恐引邪入少陽經也

雷公云

凡便革長軟皮赤黃莖鬚出在平川平野

即今銀州銀縣也西時生處多有白鶴綠
鷄於此翔處是柴胡香直上雲間若有過往聞者
皆氣爽凡採得後去莖并頭用銀刀削上赤薄皮
少許却以粗布拭淨細到用
之勿令犯火立便無效也

註云

柴胡少少陽經藥也
久服令人肝膽平

前胡味苦甘辛性微溫無毒入肺肝脾膀胱四經主
傷寒痰嗽痞滿心腹結氣解熱開胃推陳致新亦止

夜啼兒。佐使畏惡同柴胡。

按前胡辛。以暢肺以解風寒。其可悅脾以理胃腹。苦能泄厥陰之火。溫能散太陽之邪。

雷公云

凡使勿用野蒿根。緣真似前胡。只是味粗。酸。若誤用。令人胃反不受食。若是前胡。味

其氣香。凡修事。先用刀刮去蒼黑皮。并鬚十。細切。用甜竹瀝浸令潤。於日中晒乾用之。

香附味辛甘。性溫。無毒。入肺肝脾胃四經。疏氣開鬱。消風除痹。便醋製用。

按香附味甘辛。故主發散。疏通。以入肺肝脾胃。類併女科聖藥者。蓋以婦人心性偏執。多氣多鬱。血因氣鬱。則不能生耳。不知此氣實而血不大虛者。

官之不然。損其氣。燥其血。愈致其疾。惜乎未
明。而世俗多受。女科聖藥。一句之累矣。性燥。故
製以潤之。性散。故醋製以斂之。

麻黃味苦甘。性溫。無毒。入肺心。大腸膀胱四經。主散
在表寒邪。通九竅。開毛孔。破凝結。除積聚。去根節者。
大能發汗。根節能斂汗。厚朴爲使。惡辛。莖石葦。陳久
者良。

按麻黃專主發散。宜入肺部。出汗開氣。宜人心與
大腸膀胱。此驍悍之劑也。可治冬月春間傷寒。夏
秋不可輕用。惟在表真有寒邪者可用。或無

寒邪。或寒邪在裏。或裏虛之人。或陰虛發熱。或傷風有汗。或傷食等症。雖發熱惡寒。其不頭疼身疼。而拘急。六脉不浮緊者。皆不可用。雖可汗之症。不宜多服。蓋汗乃心之液。若不可汗而汗。與可汗而過汗。則心血爲之動矣。或至亡陽。或至衄血不止。而成大患。丹溪以麻黃人參同用。亦攻補法也。醫者宜知。

雷公云

凡使去節并沫。若不盡。服之令人悶。用水

三四升。沸竹片掠去。

上沫盡。漉出。熬乾用。

葛根味甘。性平。無毒。入胃大腸二經。發傷寒之表邪。

上胃虛之消渴。解中酒之奇毒。治往來之溫瘧。葛巴豆丹石百藥毒。

按葛根療熱解表。故入手足陽明。若太陽初病。未入陽明而頭痛者。不可便服以發之。恐引賊入家也。又表虛多汗者禁用。

麥門冬味甘。性平。微寒。無毒。入肺心二經。退肺中隱伏之火。生肺中不足之金。止消渴。陰得其養。補虛勞。熱不能侵去。心用地黃車前爲使。惡款冬。苦瓠。畏苦參。青蘘。忌鱒魚。肥大者佳。

按麥門冬。陽中微陰。夫陽乃肺藥。微陰則去肺中

伏火。伏火去則肺金安而能生水。水盛則能清心而安神矣。故能治血妄行。調經和脉。

天門冬。味苦甘。性寒。無毒。入肺腎二經。保肺氣不被熱擾。定喘促。陟得康寧。止消渴。利小便。強骨髓。悅顏色。殺三蟲。去伏尸。去心用。地黃貝母垣衣爲使。畏曾青。忌鯉魚。

按天門冬氣薄主升。故入肺。味厚爲陰。故入腎。虛熱者宜之。虛寒者禁用。

雷公云

採得了。去上皮。一重便勞破去。心用。節木。煎煉。柳木柴。蒸一伏時。無酒。令通。更添火。

蒸出曝。去地。二天已來。竹小架。上鋪。

天門冬。將蒸了。天門冬。勝令乾。記。

五味子味皮肉甘酸核中苦辛且都有鹹味五
僅故名。性溫無毒入肺腎二經滋腎中不足之水
肺氣耗散之金除煩熱生津止渴補虛勞益氣強陰
菴蓉爲使惡萎蕤勝烏頭其產者良

按五味屬水而有木火土金故雖入肺腎而五臟
咸補乃生津之要藥收斂之妙劑然多食反致虛
熱蓋以收補之驟也如火嗽輒用寒涼恐致相激
須用此酸斂以降之亦宜少用肺火鬱及寒邪初
起者禁用小兒尤甚以酸能弭痰引嗽也

雷公云

凡小顆皮皺泡者有白膜鹽麩一重其味
酸鹹苦辛甘味全者真也凡用以銅刀研

身生角
卷二
十一
作兩片用蜜浸蒸從巳至申
却以漿水浸一宿焙乾用之

升麻味甘苦性微寒無毒入大腸脾胃肺四經引蔥
白散手陽明之風邪引石膏止足陽明之齒痛引諸
藥遊行四經升陽氣於至陰之下故名升麻又主解
百毒殺精物辟瘟疫除蠱毒止瀉痢白芷爲使形輕
而堅實青綠色者佳。

按升麻提氣解肌故入此四經然奉令之使不能
益人若下元不足者用此升之則下虛而元氣益
虧矣藥性乃曰元氣不足者用此於陰中升陽恐
非惟陽氣有餘而下陷者宜之若初病太陽症便

水升騰以發陽明汗。是引莖入門。亦非所宜。

雷公云

採得後用刀刮上麤皮一重。用酒洗淨。然汁浸一宿。漉出曝乾。細剉蒸下曝乾。用

之佳。

藥本味苦辛。性微溫。無毒。入小腸膀胱二經。主寒氣客於巨陽之經。苦頭痛流於顛頂之上。又主婦人疝瘕。陰中寒腫。腹痛中急疼。惡薑茹畏青箱子。

按藥本上行治風。故理太陽頭痛。下行治濕。故治婦人諸症。風濕俱治。功用雖匹。尤長於風耳。

細辛味辛。性溫。無毒。入心肝膽脾四經。止少陰合病之首痛。散三陽數變之風邪。主肢節拘攣。風寒濕痺。

溫中氣散死肌。破結氣消痰嗽止目淚。療牙疼。治口臭。利水道。除喉痺。通血閉。獨活。曾青。棗根爲使。惡狼毒。山茱萸。黃耆。畏硝石。滑石。反藜蘆。忌生菜。狸肉。華陰者良。

按細辛辛溫。宜入心肝等經。以療在裏之風邪。其氣升陽。故上部多功。然諸症犯寒者可用。若因火熱。屬陽症者忌之。單服末。不可過半錢。多則氣塞不通者死。

雷公云

兒使一一一揀裝葉服之。害人須去頭。土田瓜水浸一宿至明流出曬乾用。

連翹味苦性微寒。無毒。入心肝膽胃三焦大腸六經。

治六經之血熱散諸腫之瘡瘍利小腸殺白濁通月
經療五淋破癰癢解痘毒鼠粘子爲使。

按連翹苦寒。雖瀉六經。而心經爲最。諸瘡淋閉等
症。俱屬心火。故能療之。藥性曰。除六經熱。與柴胡
同功。然此治血熱。柴胡治氣熱之別耳。

澤瀉味甘鹹。性寒。無毒。入膀胱腎三焦小腸四經。主
去胞垢。退陰汗。治小便淋澁。仙藥療水病濕腫。雲丹。
畏海蛤文蛤。色白者佳。

按澤瀉下降爲陰。專主滲泄。宜入膀胱諸經。其行
水之功過於猪苓。衍義曰。小便既多。腎氣焉得復

實扁鵲曰。多服病人眼。藥性曰。令人面光無子。乃
本草稱其補虛明目。治洩精消渴。珍珠囊謂其生
新木。止虛煩。恐無是理。卽六味丸中用之。以其滲
去脾濕。退命門火爲向導耳。又藥性賦云。補陰不
足。蓋以補陰之功不足也。後世不察。謂其可以補
陰分之不足。大失本旨。

扁鵲云

多服病人眼。一名木瀉。一名及瀉。一名芒
芋。一名鵲瀉。生汝南池澤。五月八月採根。

乾、陰、

實味甘。無毒。主風痺消渴。益腎氣。強陰。補不足。除邪
濕。久服面生光。令人無子。九月

雷公云：不拘多少，細剉，酒浸一

宿，漉出，曬乾，任用也。

〔藥〕味酸，無毒。主大風，乳汁不出，產難，強陰氣。五月採。玄胡索，味苦，辛性溫，無毒，入心肺脾胃四經，活精血，療產後之疾，調月水，主胎前之症。一切因血作痛之症，並治酒炒行血，醋炒止血，生用破血，炒用調血。

按玄胡索可升可降，爲陰中之陽，故能行上下四經，此理血之劑也。苟非血症，用之無益。

地榆，味苦甘酸，性微寒，無毒。入大腸肝二經，主下部積熱之血痢，止下焦不禁之月經。又主金瘡，除惡肉，崩中帶下，得髮良。惡麥門冬。

按地榆沉寒屬陰專入肝腸以理下焦血症有熱者宜之若虛寒下陷血衰泄瀉者勿用

防己味辛苦性平溫無毒入十二經尤善腰以下至足濕熱腫盛療中風手脚攣急口眼喎斜疥癬蟲瘡止嗽消痰利大小便去留熱垣衣爲使惡細辛車前殺雄黃毒

按防己爲陽中之陰於經絡無所不入又主降故下部多功象之於人則險而健者也用之當則可展其能一不當而反階之禍惟十二經真有濕熱壅塞及膀胱積熱下疝脚氣此誠要藥無可代者

參其味拂人。妄服之令人減食。其不可不察也。其
修食勞倦。元氣既虧。而以防已泄。大便溼。其
血。一也。發渴引飲。熱在肺經。氣分而防已。乃下焦
血藥。二也。外傷風寒。邪傳肺商。以致小便黃赤。不
通。此上焦氣分禁忌血藥。三也。久病之後。津液不
行。此上焦虛渴。宜簡以甘溫。若用苦寒之劑。則速
其危。四也。分木漢二種。卽根苗爲名。漢主水氣。木
主風氣。爲少異耳。

雷公云

凡使勿使木條。以其木防已黃腥皮。麩止
有丁。足子不堪用。夫使防已。要心花大黃。

色者。然細到車前草根。根相對同蒸。
半日後出晒。車前草去之。細到用。

常山味苦辛。性微寒。有毒。入肝經。最開結痰。專理瘧疾。毒令人吐惡生蔥菘菜及醋。苗名蜀漆。雞骨者良。按丹溪云。常山屬金。宜伐肝邪。然其性酷。下咽令人大吐。傷脾損胃。惟精壯與痰實者宜之。老人小兒及虛弱久病勿用。

雷公云

凡使春使薑藥。夏秋冬別時。用酒浸一宿。至明漉出。日乾。熬湯炒用。勿令老人久病服之。

可忌。

草龍膽味苦澁。性寒無毒。入肝膽腎膀胱四經。退肝經之邪熱。除下焦之濕腫。明目定驚。治疝止痢。能殺疰蟲。小豆貫衆爲使。惡防葵地黃。

按圖經。龍膽秋令開。花冬開。結實屬金。與水金能
制木。水入腎家。膽與膀胱。乃肝腎同部之腑也。故
均入焉。夫目得肝血而能視。肝得腎水而後生。今
益腎清肝。目之受明所自來矣。驚疳疔痢。皆肝膽
症也。何弗治耶。

雷公云。採得後陰乾。欲用時。用銅刀切去鬚上頭。
川。勿空腹食之。
於甘草湯中浸一宿。至明漉出。曝乾。
令人弱不禁。

雷公炮製藥性解卷之二

鑄補雷公炮製藥性解卷之三

○草部中

玄參味苦鹹性微寒無毒入心肺腎三經主腹中寒熱積聚女子產乳餘疾補腎氣除心煩明眼目埋頭風療咽喉消癭瘤散癰腫解熱毒惡黃耆乾薑大棗山茱萸反藜蘆勿犯銅器餌之噎喉損目

按玄參氣輕清而苦故能入心肺以清上焦之火體重濁而鹹故能入腎部以滋少陰之水所以積聚等症靡不療之

雷公云

凡採得須用雷草重重相隔入甕蒸兩伏時後出晒乾使用時勿冷犯銅餌之後噎

人喉損人目。煉去
蒲草盡了用之。

丹參味苦。性微寒。無毒。入心經。養神定志。破結除癥。
消癰散腫。排膿止痛。生肌長肉。治風邪。苦熱。眼赤狂
悶。骨節疼痛。四肢不遂。破宿血。補新血。安生胎。落死
胎。理婦人經脉不調。血崩帶下。

按丹參色赤屬火。味苦而寒。故入手少陰經。以療
諸般血症。

苦參味苦。性寒。無毒。入胃大腸肝腎四經。主結氣積
聚。伏熱黃疸。腸風燥。潤溺有餘瀝。逐水消癰。明目止
淚。去濕殺蟲。療大風。以一切風熱細疹。以糯米泔浸

一宿去浮而腥氣。晒用。亥參爲使。惡貝母。漏蘆。鬼。子。反。藜蘆。

按苦參屬水有火。性下降。本入少陰已。又入手足陽明。及足厥陰經。存以其善主濕也。蓋濕勝則生熱。熱勝則生風。而結氣等症。從茲有矣。今以苦參燥濕。治其本也。東南卑濕。尤爲要藥。丹溪曰。能峻補陰氣。或得之。而腰重者。以其氣降而不升。非傷腎也。

雷公云

凡使不計多少。先須用糯米濃泔浸一宿。上有腥穢氣。並在水面上漂。並須重重淘過。卽蒸。從巳至申。出曝乾。細判用之。

紅花味辛性溫無毒入心肝二經逐腹中惡血而補血虛除產後敗血而止血暈療跌撲損傷瘡毒腫脹老人血少便結女子經閉不行催生下胎衣及死胎酒噴用其苗生搗敷腫毒其子吞數粒主天行痘瘡不出

按紅花下行血海宜入足厥陰而逐血潔古云苦溫爲陰中之陽故又入手少陰而補血然長於行血欲其補血須少用或佐補劑

三稜味苦性平無毒入肺脾二經主行氣行血多年藏藥如石能消爲水麩裏煨醋炒用

氣行氣聚則血不流故生癥瘕之患
不治然有斬關之勢虛人忌之

蓬莪茂味苦辛性溫無毒入肺脾二經開胃消食破積聚行闊血療心疼除腹痛利月經主奔狫定霍亂下小兒食積

按蓬莪茂與三稜相似故經絡亦同但氣中血熱爲小異耳性亦猛厲但能開氣不能益氣虛人禁之乃大全謂氣短不能續者亦宜用之過矣卽夫小七香丸集香丸都用以理氣豈用以補氣乎欲

其先入血則醋炒。欲其先入氣則火炮。三稜亦然。

雷公云

凡使於沙盆中用醋磨令盡。然後於火畔吸令乾。重篩過用之。

大麻味辛性平無毒。入肝膀胱二經。療大人風熱眩暈。治小兒驚悸風癩。祛諸風麻痺不仁。主癰疾語言不達。利腰膝。強筋力。活血脈。通九竅。利周身。療癰腫。濕紙裹煨用。無畏忌。苗名赤箭。主用略同。

按天麻去風。故入厥陰。去濕。故入膀胱。真有風濕功效。若神癰腫之症。濕牛熱也。宜亦治之。赤箭用苗。有自表入裏之功。天麻用根。有自內達外之理。

下宜同劑。致無功。

雷公云

凡他物用為風草者與天麻同類其性不同其衝風草根並斑葉皆白

使衝風草根切勿使天麻二件同用即令人
身之患修事天麻十兩用莖藜子一錢煖火
熱後便先安置天麻十兩於甕中只用火熬過
藜子蓋內外便用三重紙蓋并繫從已至未時只
出莖藜子再入熬炒存前天麻甕內用炒莖藜子
於中依前蓋又隔一伏時取出如此七遍甕盛出
後用布拭上氣汗用刀劈碎之到剉單
搗然用衝風草修事法亦同天麻一般

南星味苦辛性平有毒入脾肺二經主中風牙關緊

閉痰盛癆瘵下氣破堅積消癰腫利胃扁散血墮胎
搗敷疥癬瘡毒并蛇蟲咬傷沸水泡七次以牛膽汁
收其末入膽久懸風處更佳畏附子乾薑生薑

按肺受風邪脾多痰飲南星專主風痰故並入二

經味辛主散。所以消癰墮胎。及療疥癬等疾。大抵與半夏同功。但半夏辛而能守。南星辛而不守。其燥急之性甚於半夏。故古方以牛膽苦寒之性制其燥烈。且膽又有益肝鎮驚之功。小兒尤爲要藥。丹溪曰。南星欲其下行。以黃柏引之。

秦艸味苦辛。性微溫。無毒。入胃大小腸三經。主骨蒸。腸風瀉血。活筋血。利大小便。除風濕。療黃疸。解酒毒。去頭風。菖蒲爲使。羅紋者佳。

按秦艸苦則涌泄爲陰。故入大小腸。以療諸濕。辛則發散爲陽。故入陽明經。以療諸風。骨蒸之症。亦

濕勝風淫所致宜並理之

雷公云

凡使藥非此須於脚文處認取左文

上黃肉毛盡然後用還元湯
浸一宿至明出日乾用之

遠志味苦性溫無毒入心腎二經補不足除邪氣益
智慧明耳目寧怔忡定驚悸利九竅治健忘壯陽道
益精氣長肌肉助筋骨及婦人血禁失音小兒驚風
客性皮膚熱面目黃久服悅顏色延年甘草湯泡去
心用得茯苓冬葵子龍骨良長珍珠菴蘆蜚蠊齊蛤
忌猪肉生蔥冷水殺天雄附子湯藥各小草主夢泄
一按遠志苦入心經溫能滋腎而不足等症咸本二

經故都治之。

雷公云

遠志凡使先須搯去心。若不去心。服之令人悶。去心了。用蒸甘草湯浸一宿。取出曬

乾用之。

破故紙味苦辛性大溫無毒入腎經主五勞七傷陽虛精滑腰痛膝冷囊濕腎寒酒浸一宿水浸三日蒸用惡甘草忌羊肉羊血等葷。

按破故紙苦能堅腎且性大溫故專走少陰然氣燥不宜多用命門有火及津枯者忌之。

葫蘆巴味苦性溫無毒入腎膀胱二經得桃仁大黃療膀胱疝氣得硫黃黑附理腎臟虛寒。

按葫蘆巴雖入腎與膀胱考諸本經無佐使不
獨成功也

何首烏。味甘。微溫。無毒。十二經絡所不收。視其
麻皮交乃蓄陰之劑也。消潔癰疽。散癰腫。療五痔。止腸
風。烏髮髮。美容顏。補勞瘦。助精神。長肌肉。堅筋骨。添
精髓。固腰膝。除風濕。明眼目。及治婦人產後帶下諸
血。老年尤爲要藥。久服令人多子延年。去麤皮。酒浸
拌黑豆末蒸之。水中復加黑豆及酒晒乾。九次爲度。
春夏採鮮者赤白合用。兼補氣血。茯苓爲使。畏猪羊
血。無鱗魚。蘿蔔。忌鐵器。

按何首烏大能補益。全在蒸晒如法。大者剖開。其中
有鳥獸山嶽之形。亦神物也。傳云。五十年如拳
大。號山奴。服之一年。髭鬚青黑。百年如碗大。號山
哥。服之一年。顏色紅悅。一百五十年如盆大。號山
伯。服之一年。齒落重生。二百年如斗大。號山翁。服
之一年。顏如童子。行及奔馬。二百年如栲栳大。號
山精。服之一年。延齡益算。純陽之體。久服成仙。邇
來漸能用之。惜未能如法製之耳。

骨碎補 味苦性溫。無毒。入腎經。主折傷。補骨碎。去毒
風。疼。痲。固齒牙。療蝕瘡。殺諸蟲。以毛細剉。蜜拌蒸曬。

用

按骨碎積滯而下行。專入腎家。以理骨病齒者。之餘也。故能固之。又能殺蟲者。蓋以蟲生於濕。今能去毒風而蟲之巢穴搗矣。豈能生耶。

雷公云

凡使採得後。先用銅刀刮去上黃赤毛。盡

便細切。用牽拌令潤。架排甑蒸一日。後出

曬乾。用又法。寧記云。去毛細切。後用生蜜拌蒸。從

巳至亥。照前曬乾。搗末用。炮猪腎空。心喫治耳鳴

亦能止。

威靈仙味苦。性溫。無毒。入十二經。主諸風宣通五臟

去腹內冷滯。心胃痰水。久積癥癖。膀胱惡水。腰膝冷

疼。兩足腫滿。又療折傷。忌麪及茶茗牛肉牛乳。採時

不聞流水聲。鐵脚者佳。

按威靈仙可升可降。爲陰中之陽。故於經絡無所不入。丹溪云。屬木。故於肝臟多功。治痛風之要藥也。其性好走。多服。疏人五臟真氣。然風注疼痛。非此不除。中病卽已。不宜多用。

牛膝味苦酸。性平。無毒。入腎經。補精氣。利腰膝。填骨髓。除腦痛。祛寒濕。破血結。通月經。墮胎孕。理膀胱氣。化遲難。陰中作痛欲死。去蘆酒浸一宿用。惡龜甲。螢火陸英。畏白前。白蘚皮。忌牛肉。

按丹溪云。牛膝引諸藥下。人足少陰經。以理。

大好人行之。應歸血游。故行血有功。實宜。

及肥膝濕腫者。不宜用之。有二種。土牛膝。以藥。故短而細。土破血氣。川牛膝。所稟厚。故肥而長。主補精髓。竹木刺入肉。塗之可出。

雷公云

凡使去頭并塵土了。用黃精自熬汁浸一宿。漉出。細剉焙乾用。

黃精味甘性平無毒。入脾肺二經。補中益氣。除風濕。安五臟。駐顏色。久服延年。

按黃精其宜入脾。潤宜入肺。久服方得其益。實勝於根。花勝於實。但難辨耳。與鈎吻相似。然鈎吻有毛鈎。二箇誤服殺人。

雷公云

凡使勿用鈎吻，真似黃精，只是葉有毛鈎子二箇，是別處，誤服害人，黃精葉似竹

葉，凡採得，以溪水洗淨，後蒸，從已至子，刀薄切，曝乾用。

蒲黃味甘，性平，無毒。入肝經。生用則性滑，主行血，通經墮胎，消闕，排膿，利小便，祛心腹膀胱熱。炒用則性澀，主止血，除崩漏帶下，一切吐衄血，痢血，尿血，腸風下血，止精洩，定兒枕痛，忌見鐵器。宜隔紙焙黃，蒸之再焙用。

按蒲黃主血，而肝藏血，故獨入焉。仙經用之，亦以多功於血耳。

雷公云

凡使勿用松黃，并黃蒿，其一二件全似，只是味異，及叶人尾欲使蒲黃，宜隔紙焙黃，蒸之再焙用。

令色黃。蒸半日。却焙令乾。用之炒。

結。味苦辛。性溫。無毒。入肝腎二經。主傷寒。不。傷金瘡。諸癰腫。胎漏尿血。益氣力。續筋骨。散諸。子宮。療腰痛。縮小便。止夢泄。利關節。調血和血。生肌止痛。酒浸一宿。焙乾用。地黃爲使。惡雷丸。

按腎主骨而藏精。肝主筋而藏血。續斷補精血而理筋骨。宜入此二經矣。胎產之症。尤爲要藥。

雷公云。

凡使。勿用草茄根。真似續斷。若誤服之。令人筋軟。捩得後。橫切剉之。又去向裏硬解。

了。用酒浸一伏時。焙乾用。

益母草。味辛甘。性微溫。無毒。入諸陰經。主行血養血。

安胎利產。消浮腫。惡毒疔瘡。治頭風。血虛目疾。癩瘡。發癢。堪作浴湯。子名充蔚。益精明目。除水氣。瘧血逆。大熱。頭痛。心煩。下腹中死胎。理產後血脹。

按益母本功治血。故入諸陰之經。行血而不傷新血。養血而不滯。調血。所以爲胎產聖藥。又能消瘡腫者。取其行血。而且辛甘發散也。

肉苁蓉味甘酸鹹。性微溫。無毒。入命門經。與陽道。益精髓。補勞傷。強筋骨。主男子精泄尿血。溺有遺瀝。女子癥瘕崩帶。宮寒不孕。酒浸一宿。去浮甲。劈破中心。去白膜。蒸半日。酥炙用。潤而肥大者佳。

按菴蓉性溫。爲濁中之濁。故入命門而補。

虛弱者宜之。相火旺者忌用。多服令人六。

雷公云

凡使先須清酒浸一宿。至明以板壓上。

條草樣。是此偏脂。人心前氣不散。令人上氣不出。

月使先用酒浸。并刷淨。却蒸。從午至酉出。又用酒

便燥結。宜酥炙用。

鎖陽味甘。鹹性溫。無毒。入腎經。補陰虛。固精髓。潤大

按鎖陽鹹溫。宜入少陰。本經不載。丹溪續補以其
固精。故有鎖陽之名。主用與菴蓉相似。老人枯閉
最爲要藥。大便不實者忌之。

車前子味甘。性寒。無毒。入肝膀胱小腸三經。主淋瀝。癃閉陰莖腫痛濕痛泄瀉。赤白帶濁。血閉產難。炒細研用常山爲使。根葉主金瘡。功用同子。

按車前子利水。宜入手足太陽行血。宜入厥陰。然逐水之劑多損於目。本草云明目者。以其清肝熱。如釜底抽薪。非因泄水之功也。

紫苑味苦辛。性溫。無毒。入心肺二經。主咳逆上氣痰喘吐衄。補虛勞。安五臟。水洗淨。蜜炙用。款冬爲使。惡天雄。畏麥。雷丸。遠志。畏茵陳。蒿。紫色潤軟者佳。

按紫苑苦能入心。而泄上炎之火。辛能入肺。而散

一難滯之氣。行氣養血。專治血痰。爲血癆要藥。

雷公云

此使先去髭。有白練色者。置口羊鬚草。然不同。採得後。去頭上。用東流水淘。令淨。用蜜。辰一宿。至明於火上。焙乾。用。凡修一兩。用蜜二分。

百部味甘苦。性微寒。有小毒。入肺經。主肺熱咳逆。傳屍骨蒸。殺疥。疣。寸白。諸蟲。及虱。竹刀劈開。去心。酒浸用。

按百部專療咳嗽。宜入肺經。有小毒。故能殺蟲也。

雷公云

凡採得後。用竹刀劈破。去心。皮。花。作數十。於簾下懸。令風吹。待上乾後。却用酒浸。一。宿。漉出。焙乾。細剉。用蔥一顆。自有八十三。條者。焙乾。號曰地仙苗。若修事。何之。壽長。

百合味甘。性平。無毒。入心肺大小腸四經。主鬼魅邪。

氣熱咳吐血。潤肺寧心。定驚益志。去積消癰。除
脹滿。利二便。

按百合性潤。故入心肺諸經。雖能補益。亦傷脾氣。
不宜多服。

款冬花味甘辛性溫。無毒。入心肺二經。主中風喉痺。
肺痿肺癰。潤心肺。止咳嗽。除痰。定驚悸。洗肝明目。
杏仁爲使。得紫苑良。惡皂莢硝石玄參。畏貝母辛夷。
麻黃黃耆黃芩黃連青箱。

按款冬辛甘發散爲陽。故入心肺。以理痰嗽等症。
畏惡甚多。用者慎之。

雷公云

凡採得須去內野裏花蕊

碎纒兩兩件
并者葉了用

馬兜鈴味苦性寒無毒入肺經主清肺除咳嗽痰喘治血痔瘻癰根名青木香下氣甚速

按馬兜鈴專主手太陰經矣何以治痔瘻之症也良以肺與大腸相爲表裏肺遺熱於大腸故有此症今清其表而裏病自愈矣

雷公云

凡採得後去葉并蔓了用生絹袋盛於東屋角畔懸令乾了劈作片取裏子去

膜并令淨角子勿令去
革屨不盡用之并皮

青蘘味苦甘性寒無毒入肝脾二經除帶火解熱

止下痢殺諸蟲。治小兒疳蟲消瘦驚癇疔氣唇焦口
渴。上脘稠痰。療傷寒赤斑。面黃鼻赤。

按青黛色青屬木。味甘屬土。宜入厥陰太陰。以理
諸熱之症。

【甘菊】味甘微苦。性平無毒。入肺脾肝腎四經。能補陰
氣。明目聰耳。清頭風。及胃中煩熱。肌膚濕痺。枸杞根
桑白皮。蒼白木爲使。

按丹溪曰。菊花屬金。而有土與水。大能補陰。宜入
肺肝等經。蓋煩熱諸症。皆由水不足而火炎。得此
補陰。則水盛而火自息矣。須用味甘者佳。若苦者

爲苦寒大傷胃氣慎之。

薏苡仁味甘微寒無毒入肺肝脾胃大腸五經利脾胃消水腫祛風濕療脚氣治肺痿健脾胃。

按薏苡仁總理濕熱故入上下五經蓋受熱使人筋掣受濕使人筋緩者可用若受寒使人筋急者忌之。魏之和緩須多用見効。

雷公云凡使勿用穢米顆大無味其穢米時人所爲梗穢是也若薏苡仁顆小色青味比此者粘人齒夫用一二兩以穢米一兩同煎令穢米熟去米取使若更以鹽湯煮之過別是一般修得

牡丹皮味辛苦性微溫無毒入肝經治一切冷熱氣血凝滯吐血衄血瘀積血跌撲傷血產後惡血通月經

除風痺。催產難。畏兔絲子。忌菘菜。

按丹皮主用。無非辛溫之功。禹錫等言其治冷當矣。本草曰性寒。不亦誤耶。夫肝爲血舍。丹皮乃血劑。固宜入之。本功專主行血。不能補血。而東垣以此治無汗骨蒸。六味丸及補心丹皆用之。蓋以血患火燥則枯。患氣鬱則新者不生。此劑苦能瀉陰火。辛能疏結氣。故爲血分要藥。

雷公云

凡採得後。日乾。用銅刀劈破。去骨了。細切。如大豆許。用清酒拌蒸。從巳至未。出酒晒。

用乾

兔絲子味甘辛。性平。無毒。入腎經。主男子腎虛精。

腰膝冷痛莖中寒精自出溺有餘。蘇頌鬼交泄精久。強陰。聖骨駐顏明目輕身令人多子。酒浸五宿蒸餅作餅晒乾研用。山藥松脂爲使惡毒菌。

按雷公云。兔絲子稟受中和氣。正陽氣。故宜入補少陰。溫而不燥。不助相火。至和至美之劑。宜常用之。

雷公云。

凡使勿用天竺草。其相似。只是天

粟中。和之。能溫氣。受結。偏補人衛氣。助人筋脈。一莖從樹。感枝成。又從仲春。上陽結實。其氣大小。六七。二。全。採得去粗薄殼。了。用苦酒浸二日。取出。用黃精自然汁。浸一宿。至明。微用火煎至乾。入日中。熱燒鐵柈。一。去三千餘成粉。用苦酒并黃精自然汁。與兔絲子相對用之。

茴香味辛甘。性溫。無毒。入心脾膀胱三經。主一切臭氣。腎臟虛寒。癩疝。腫痛。及蛇咬傷。調中止嘔。下氣寬胃。又有一種小茴。氣味稍薄。然治膀胱冷痛。疝氣尤奇。

按茴香氣厚。爲陽中之陽。故入少陰太陰太陽。以理虛寒諸症。雖辛溫快脾。亦能耗氣。今內相都入煎燂。油膩之物。與火無異。久則致疾。深宜戒之。

砂仁味辛。性溫。無毒。入脾胃肺大小腸膀胱腎七經。主虛寒瀉痢。宿食不消。腹痛心疼。咳嗽脹滿。奔豚。霍亂轉筋。祛冷逐痰。安胎止吐。下氣化酒食。炒去衣。研

白豆蔻仁爲行散之劑。故入脾胃諸經。性溫而不傷於剋。太陰經要劑也。宜常服之。
於熱行氣而不傷於剋。太陰經要劑也。宜常服之。
白豆蔻味辛。性溫。無毒。入肺脾胃三經。主消痰。痰下
滯氣。退目中翳。止嘔吐。開胃進食。除冷瀉痢。及腹痛
心疼。炒去衣。研用。白而圓滿者佳。

按白豆蔻辛宜入肺。溫爲脾胃所喜。故竝入之。大
抵辛散之劑。不能補益。藥性稱其補上焦元氣。恐
無是理。但不甚刻削耳。世俗不察而信之。誤人不
小。治寒氣神效。肺胃中有火。及虛者忌之。

肉豆蔻味苦辛澁。性溫。無毒。入脾胃二經。療心腹脹
痛。卒成霍亂。脾胃寒弱。宿食不消。虛冷瀉痢。小兒傷
乳吐瀉。尤爲要藥。糯米粉裹煨。忌見鐵器。

按肉蔻卽肉菜辛溫之性。宜入脾胃有木去之積
者。不可先以此澁之。

雷公云

凡使須以糯米作粉。使熱湯揅。暴豆蔻於
焙灰中炮。待米團子燥黃熟。然後出。去米。

其中有子取
用。勿令犯銅。

草豆蔻味辛。性熱無毒。入脾胃二經。主風寒。客邪在
胃。其餘與白者同功。而性尤燥急。不及白蔻有清高

按草薹辛溫發散故入脾胃而生風寒多食大忌。
脾胃衍義謂其虛弱不食者宜此恐非胃火者大忌。

雷公云

凡使須去蒂并向裏子後取皮用茱萸同於鐵上緩炒待茱萸微黃黑即去茱萸取

草豆蔻皮及

子皆用之。

草薹味辛性溫無毒入脾胃二經主瘧疾胃腹結滯嘔吐胃經風邪。

按草薹辛溫發散與草薹同功故經絡亦同多食亦損脾胃虛弱及胃火者亦忌之。

菖蒲味辛性溫無毒入心肺膀胱三經主風寒濕痺

欬逆上氣。鬼疰邪氣。通九竅。明耳目。堅齒牙。清聲音。
益心智。除健忘。止霍亂。開煩悶。溫心腹。殺諸蟲。療惡
瘡疥癬。勿犯鐵器。去根毛用。秦皮秦蒞爲使。惡地膽
麻黃。忌羊肉羊血飴糖。生石上。一寸九節者佳。

按菖蒲通神明。宜入心經。祛風濕。宜入肺與膀胱。
功驗雖宏。然主散而不主收。勿宜久用。

雷公云

凡使勿用泥。昔夏嘗其二件。搗似如竹。按

者。根條嫩黃。紫硬節。長一寸有九節者。是藥也。
抹得後。用錐刀刮上青黑。硬節皮一重了。用嫩桑

枝條。相排。桑出曝。
乾。去桑條。到用。

黑附子。味辛甘。性大熱。有大毒。通行諸經。主六腑沉

寒三陽厥逆症。以種芝為藥。其功甚速。力墮胎甚速。初行隻重一二兩。去其胎。其數沸。又用苦連。其草童便合煮。一時於午地坑埋一窠。取出。用酒乾用。地膽為使。惡惡。其大參。甘草黃耆。防風黑豆。

按附子為陽中之陽。其性浮而不沉。其用走而不息。故於經絡靡所不入。宜致墮胎。祛癥積等症者。辛甘大熱。能補命門衰敗之火。以生脾土。故仲景四逆湯用。以回腎氣。理中湯用以補脾。八味丸用以補腎。肥。壁。如躁悍之將。善用之。奏功甚捷。不善

用之爲害匪輕。丹溪以爲仲景取其行地黃之滯而不能有補。則古方用黑附一味。可以回陽不補而能之乎。丹溪之言於理未當。雖然彼或鑒誤用之弊。有激而發耳。如法制之毒性盡去。且今下行。若瘤冷陽脫。但斂炮之。

天雄性味經絡功用與附子同。主療頭面風。去來疼痛。遠志爲使。惡腐爛。

按天雄卽附子之長而尖。其頂不正者。其氣親上。故潔古云。主上焦陽虛。

烏頭性味經絡功用亦同附子。

汗養草爲使。惡藜蘆。反半夏。爲蕪貝母。白蜜。

按烏頭卽春閏接附子之嫩小者。一云原生其根
烏頭。主男子腎濕陰痒癰腫。使反性味功用同前。

按烏頭卽烏頭之有兩岐者。如烏之口。故名。

側子主發散四肢爲風癰藥。

按側子卽附子傍出小顆。其氣輕揚。故主發散。

附子只是附子傍有小顆。側子如棗核者。是正。主治風癰。神妙也。木鼈子只是諸子不入藥用。若服之令人喪目。

射干味苦。性微溫。有毒。入肺肝脾三經。主咳逆上氣。

咽喉諸症。開胃進食。鎮肝明目。消癰毒。逐閉血。通月。

經行積痰。使結核自消。又肝經濕氣。因疲勞而發便毒者。取三寸。與生薑同煎服。利兩三行效。

按射干溫能下氣行血。宜入肺肝。若能消痰。宜入脾經。久服令人虛。

雷公云

凡使先以米泔浸一宿。漉出。然後用。葉黃從午至亥漉出。日乾用之。

旋覆花味鹹甘。性溫有小毒。入肺肝大腸膀胱四經。主結氣風氣。膈下滿。膈上痰如膠漆。利大腸。逐水濕。按旋覆花專理風氣水濕。而肝主風。肺主氣。膀胱大腸主水濕。故均入之。丹溪曰。走散之藥。病人涉虛者不宜多服。

雷公云

凡採得後去裏其殼以并禁
子花蓋蒸從巳至午晒乾用

大戟味苦甘性大寒有毒入十二經主水脹
結腹滿急痛發汗利大小腸通月經墮胎孕小豆爲
使惡山藥畏苜蓿反甘草芫花海藻

按大戟陰中微陽逐十二經水能損真氣量虛實
用之

雷公云

凡使勿用附生者若服令洩氣不禁卽煎
薺薺子湯解凡採得於槐砒土細剉與細

劉海羊葉拌蒸從巳至
申去羊葉晒乾用之

陶陸味酸辛性寒有毒入脾胃膀胱小腸三經主水脹
蠱毒疝瘕癰腫惡瘡墮胎孕

按商陸專主逐水。與大戟相似。夫水之心病。由於
膀胱小腸不利。而脾家之所深惡者也。故成人之
有赤白二種。白者可服。赤者有神。堪用。結腫。誤服
殺人。

雷公云

凡使勿用赤葛。緣相似。其赤葛花莖有消

採之。用作補。可下酒也。每修事。先以銅刀刮去粗
皮了。薄切。以東流水浸兩宿。然後漉出。栗氈蒸。以
豆葉一重了。與的陸一重。如麻蒸。從午至亥出。
去豆葉。暴乾了。細剉用。若蒸豆葉。只用豆代之。

葶藶味辛苦。性寒。有小毒。入肺心。脘膀胱四經。主水
腫結氣。膀胱留熱。定肺氣之喘。促痰積飲之痰厥。同
糯米焙黃。去米用。榆皮爲使。慈靈如綠燈草石慮瓦。

按葶藶辛走肺苦走心。膀胱者腑所歸也。心所生也。故皆入之。大傷肺氣。滲泄下元。用之當。殺人甚捷。稍涉虛者忌之。有甜苦二種。苦者太猛。劣甜者性少緩。

雷公云

凡使勿用赤鬚子。真相似葶藶。只是味微。藥上微微焙。待米熟去米。單搗用。

牽牛子。味苦辛。性寒。有毒。入大小腸二經。主下氣。通二便。祛壅滯。氣急。退水腫。消風毒。治腰脚痛。墮胎孕。酒蒸去皮用。

按牽牛子專主水氣。故入大小腸經。丹溪曰。屬火。

善走。有兩種。黑者兼水。白者兼金。病形與症俱實者用之。然驅逐致虛。不脹滿。不大便秘者勿用。仲景治七種濕症。及小便不利。俱不用之。何也。蓋受濕之根在下焦。是血分中氣病。皆因上焦虛弱。不能氣化所致。若復用辛辣之劑。以瀉太陰之金。危亡立至矣。可不謹乎。

雷公云

草金零牽牛子是也。凡使其藥。秋未即有實。冬收之。凡用晒乾。却入木中淘淨者去

之。取沉者晒乾。拌酒蒸。從口至末。晒乾。臨用春去黑皮用。

葶藶味苦。性平。無毒。入脾。腎。膀胱。三經。上風寒濕痺。腰背痛。中風不遂。遍身頑癩。膀胱宿水。陰虛失溺。

示道益精明。目慧。茲爲使。畏葵根。大黃。紫雲。胡。杜。忌牛肉。

按草薺之入三經。何也。蓋腎受土剋。則水戕既衰。肝挾相火而凌土濕。脾主肌肉。濕鬱肌腠。則生熱生風。以致榮衛不和。關節不利。而草薺長於去水。用之以滲脾濕。則土安其位。水不受侮矣。然久用令人小便多。小便既多。則腎氣安得復實。今多泥其入腎。用爲補劑。亦未深原其理耳。

不通。味辛甘。性平無毒。入小腸經。主五淋。小便閉。經凝。乳閉。難產。積聚。驚悸。心煩。健忘。耳聾。聲啞。鼻塞。癰。

瘡。脾疸。喜睡。天行瘟疫。

按木通利便。專瀉小腸。宜療五淋等症。其驚悸等症。雖屬心經。而心與小腸相爲表裏。故並治之。脾疸喜睡。此脾之病。皆濕所釀也。利小腸而濕不去乎。瘟疫之來。感天地不正之氣。今受盛之官行。而邪不能容。亦宜療矣。

通草味淡性寒無毒。入肺大小腸三經。與木通同功。特瀉肺明目。退熱行經。下乳通結。力尤勝之。

按通草色白。宜其瀉肺。味淡。故入小腸。性主通行。故又入大腸。卽本草續註所謂通脫木。今女工用。

以作花